

北邊合考

滿洲

四



27
13
9

紅印

北

南

東

西

中

外

南
西
東
北



北邊合攻卷之四

日本堅田

京兆

山田聯纂輯



滿洲源流考三

寧古塔在盛京東北一千三百五十餘里吉林
 烏喇東北五百四十餘里東西距三千二百五
 十餘里南北距一千二百里東至海三千餘里
 西至吉林烏喇界二百五十里南至土門江朝
 鮮界六百里北至混同江黑龍江將軍所轄界
 六百里東南至海一千八百七十里西南至吉

林烏喇界五百里東北至海三千餘里西北至阿爾楚哈城七百餘里

○分野天文尾箕分野析木之次

○建置沿革古肅慎國地漢晉為挹婁國地後魏謂之勿吉隋曰靺鞨唐時有粟末靺鞨大氏於此置上京龍泉府國號渤海其東北屬黑水靺鞨遼時為女直諸部地後建國曰金於故地置上京會寧府及合懶恤品胡里改等路元設軍民萬戶府五曰桃溫曰呼里改曰幹朶憐曰

脫斡憐曰孛苦江皆隸合蘭府水達達等路明初屬建州毛憐等衛後屬本朝地名寧古塔

順治十年設昂邦章京康熙元年改鎮守寧古塔等處將軍十五年將軍移鎮吉林烏喇城留

副都統鎮守於此

雍正五年增置泰寧縣屬奉天府七年罷

○形勢東瀕大海西接烏喇南控土門北踰黑水土地曠遠山川環絡

○風俗舊風純直其祭天地敬親戚尊者老接賓客信用友禮意款曲皆出自然金史俗無市井

以射獵為業元史地志勤儉畏法長於騎射通志

○城池寧古塔城在虎爾哈河北岸植木為牆

高二丈餘周二里半東西南三門外邊牆周十

里四門西南濱虎爾哈河本朝康熙五年自

舊城遷建於此其舊城在今城西北五十里海

瀾河南石城周一里餘外城周五里餘國初

建又今城西南三百三十里勒福陳河西岸有

俄多里城周一里一百步有奇門三四圍有濠

子城周百步有奇南一門本朝遠祖定三姓

之亂肇居於此國號滿洲為皇清億萬發

祥重地

○戶口未編

○田賦官莊十三處壯丁一百三十名歲交糧

三千九百石

○山川載希喀塔山在城東南一千五百七十

里高三十里周一百里烏蘓哩江一津河喜綠

河俱發源於此其南即大海海城之正南至

土門江入海處約一千餘里城之東南至希喀

議恐諾訛

塔山南海岸約一千六百餘里城之東北至混
 同江入海處約三千餘里 混同江在城北六
 百里自白都訖會議尼江東北逕黑龍江將軍
 界入境又東北流千里許黑龍江自西北來會
 又四百里許與烏蘓哩江會又東北流千餘里
 會諸水入海 黑龍江在城東北一千二百里
 自黑龍江將軍界流入至此與混同江會流入
 海詳見黑龍江 烏蘓哩江在城東一千餘里
 源出希喀塔山北流會諸河為一又北受興凱

湖流出之松阿查河流經千餘里會混同江東
 北流入海即古胡里改江也 土門江在城南
 六百餘里源出長白山東北流繞朝鮮北界又
 東南折會諸水入於海明志所謂徒門河阿也
 苦河當是一水耳 虎爾哈河寧古塔城東南
 皆濱此河源出吉林烏喇界曰勒福陳河北流
 折東會諸水為一又折東北會必爾滕湖又自
 湖之發庫東流經故會寧城北又九十餘里繞
 寧古塔城南復折而北流七百餘里入混同江

興凱湖在城東南七百里周圍數百里湖之南諸山中流出之門河烏渣虎河勒福河都忒黑等諸河俱匯於此湖又自湖東北流出為松阿查河東北流注於烏蘊哩江明統志之鏡泊是也 大洲在城東北三千餘里混同江口之東大海中南北二千餘里東西數百里距西岸近處僅百里許有山曰圖可蘊庫其長竟洲林木深翳有小水數千東西分流入海唐書流鬼國去京師萬五千里其地直黑水靺鞨東北少

海之北三面皆阻海人依嶼散居有魚鹽之利通典曰流鬼在北海之北疑卽此也

○古蹟渤海上京城在城西南唐書渤海本粟末靺鞨附高麗者姓大氏高麗滅率衆保挹婁之東牟山萬歲通天中契丹盡忠反有舍利乞乞仲象者度遼水保太白山之東北阻奧婁河自固武后封為震國公其子祚榮建國自號震國王地方五千里盡得扶餘沃阻辨韓朝鮮海北諸國先天中拜為渤海郡王以所統為忽汗

列自是始去靺鞨號專稱渤海子武藝自大土
 字私改年號天寶末徙上京直舊國三百里忽
 汗河之東建五京十五府六十二列此為肅慎
 故地曰上京龍泉府 會寧故城在城西南
 五國頭城在城東北契丹國志女真東北與五
 國為鄰五國之東接大海出名鷹自海東來者
 謂之海東青遼人酷愛歲歲求之女真至五國
 戰鬪而後得不勝其擾大金國志天會八年宋
 二帝自韓州如五國城城在金國所都之東北

千里明統志自此而東分為五國故名舊傳宋
 徽宗葬於此扈從錄自寧古塔東行六百里曰
 羗突里噶尚松花黑龍二江合流於此有大土
 城或云五國城

○關隘渾春地方在城東南渾春河左右其南
 與朝鮮接界 沙蘭站在城西八十里

○土產珠出混同江 松花石 鹽通志寧古

塔有土鹽 松松枝葉如蒿名黃蒿松生石甸
 子他處所無 柞 樺 松子 榛子 桃花

水 法佛哈通志一名紅櫻即白梅子也 米
 孫烏什哈通志出寧古塔形類櫻桃味微甘酸
 人參諸山林有之 熊膽 鹿茸 鷓鴣 鷹
 通志白鷹最為鷲猛寧古塔諸山中有之 海
 東青元史地理志合蘭府水迤迤等路有俊禽
 曰海東青由海外飛來土人羅之以為土貢明
 統志五國城東出小而健能擒天鵝瓜白者尤
 異通志今出黑龍江烏蘇哩江左右 虎 豹
 熊 羆 麋 鹿 駝 鹿 通志出烏蘇哩江一名

堪打漢形類駝角扁潤而瑩潔可為箭括 貂
 貂熊通志大如狗紫色出寧古塔 狍 獾 孫
 銀鼠 灰鼠 海豹 江獺 鱈魚出混同
 江金史地理志上京歲貢秦王魚即此 括絲
 魚通志出寧古塔似鱸而黑味美不腥 大發
 哈魚 烏庫力魚四五月時自海入江
 ○黑龍江將軍駐劄齊齊哈爾城在盛京東北
 一千七百餘里東西距三千一百里南北距四
 千里東至寧古塔界二千三百里西至喀爾喀

界八百里南至白都訥界五百里北至鄂羅斯
 界三千五百里東南至寧古塔界一千七百里
 西南至札賴特界一百二十里東北至寧古塔
 界三千六百里西北至鄂羅斯界二千里自本
 城至京師三千二百三十一里

○分野 天文尾箕分野柝木之次

○建置沿革 古肅慎氏地漢晉為挹婁國地後
 魏時始有黑水部為勿吉國七部之一隋曰黑
 水靺鞨唐時黑水又分十六部以南北為柵南

接渤海西接室韋

今黑龍江西北境皆唐時室韋地

開元中以

其地為黑水府尋又置黑水府以部長為都督

後渤海盛皆役屬之遼平渤海黑水復擅其地

其在南者繫籍於遼在北者皆不屬籍金時為

蒲與路及肇州之北境

金史地理志金之壤地封疆東極吉里迷兀的

改諸野人之境北自蒲興路之北元隸開元路

明初設都司統領之 國初有索倫打虎爾二

部居額爾古納河及淨溪里江之地並歸服於

太宗文皇帝繼曰羅利

即鄂羅斯國人

築城雅克薩地

侵擾索倫打虎爾崇德四年移駐諾尼江後羅利復來侵擾康熙二十二年設將軍副都統築城鎮守二十五年發兵進勦羅利克其城二十八年遣大臣於格爾必齊河旁立石為界於是索倫打虎爾仍居舊地咸安業焉

○形勢襟帶黑龍巨浸藩翰興安雄山

○風俗性質樸果決好騎射弋獵兼習禮讓務

農敦本

○城池齊齊哈爾城亦曰乞察哈里城周五百

丈植木為垣中竇以土門四環城有重濠廣一丈五尺本諾尼江南博容衣莊地 本朝康熙三十一年建城取諾尼江北打虎爾等所居之莊為名三十八年將軍自愛渾城移駐於此 墨爾根城在齊齊哈爾城北四百三十五里諾尼江南岸亦植木為之周一千三十丈門四環城有重濠 本朝康熙二十五年建令副都統城守尉官兵鎮守於內 黑龍江城在齊齊哈爾城東北八百五十里黑龍江西岸植木為之

周一千步門四環城有重濠 本朝康熙二十三年建三十七年車修令副都統城守尉官兵鎮守於內

○山川

畧載

諾尼江在齊齊哈爾城西五里古名

難水亦曰那河明時曰腦溫江又名忽刺溫江源出伊爾虎立山南流會諸小水繞墨爾根城西又南經齊齊哈爾城西凡西來之弩敏綽爾雅爾諸河皆會入焉又轉東南經杜爾伯特郭爾羅斯二旗地受西來之拖羅河折而東與混

同江會 黑龍江在黑龍江城東古名黑水亦曰完水又名室建河亦名幹難河源出喀爾喀北畏肯特山土人謂之敖嫩河會諸小水東北流經尼布楚城南入內地又東有枯淪湖流出之額爾古納河自西南來會流至雅克薩城南折而東南流至黑龍江城北九千里有淨溪里江之水自北流入繞黑龍江城東南流又南受北來之牛滿河又東流與混同江會自此合流又東烏蘓哩江自南流入又折東北受革林亨

滾諸河入海凡會四江水數大河其餘小水無數北史烏洛候國傳其國西北有完水東北流合於難水舊唐書室韋傳大山之北有大室韋部落其部落傍室建河居其河源出突厥東北畧俱倫泊屈曲東流經西室韋畧又東經大室韋畧又東經蒙兀室韋之北落俎室韋之南又東流與那河忽汗河合又東經南黑水靺鞨之北北黑水靺鞨之南東流注於海金史地理志肇州始興縣有黑龍江元史太祖紀元年帝卽

皇帝位於幹難河之源明統志黑龍江在開原城北二千五百里源出北山黑水靺鞨舊居此南流入松花江按黑水之名始於南北朝黑龍江之名見於金史其上源則北史之完水舊唐書之室建河也舊唐書言室建河源出俱倫泊俱倫泊即今枯淪湖今黑龍江之源自有敖嫩河枯淪湖上流為克魯淪河舊名臚胸河其源亦與敖嫩河相近而流較遠但俱滙於枯淪湖又從湖東北流出為格爾必齊河以入黑龍

江湖盈則溢淺則涸自當以敖嫩河為正源敖嫩即乞史幹難音之轉也 淨溪里江在黑龍江城北九十里源出北興安嶺南流會東來之納爾黑蘓喜阿爾吉諸水又南會東來之欽都濘泥諸河又南會東來之西林木的河轉西南流入黑龍江 額爾古納河在齊齊哈爾城西北二十里源出枯淪湖北流八百餘里會東來之數水入黑龍江河之北岸即鄂羅斯界大格爾必齊河在黑龍江城西北一千七百九十

里源出西北興安嶺東流入黑龍江分畧石碑在河之東 牛滿河在黑龍江城東南三百六十里源出東北興安嶺西南流會五爾噶俄隆奇夏爾滿等河入黑龍江在諸河中為獨大 ○關隘分畧石碑在齊齊哈爾城西北二千五百里黑龍江城西北一千七百九十里格爾必齊河口東岸 本朝康熙二十八年十二月丙子遣大臣與鄂羅斯議定邊界立石以垂久遠勒滿漢字及鄂羅斯喇弟訥蒙古字於上其文

曰大清國遣大臣與鄂羅斯國議定邊界之碑

一將由北流入黑龍江之綽爾納即烏倫穆河相近格爾必齊河為界循此河上流不毛之地有石大興安以至於海凡山南一帶之溪河盡屬鄂羅斯

一將流入黑龍江之額爾古納河為界河之南岸屬於中國河之北岸屬於鄂羅斯其南岸之眉勒爾客河口所有鄂羅斯房舍遷徙北岸

一將雅克薩地方鄂羅斯所修之城盡行除毀雅克薩所居鄂羅斯人民及諸物用盡行撤往察漢汗之地

一凡獵戶人等斷不許越界如有一二小人擅自越界捕獵偷盜者即行擒拿送各地方該管官該管官照所犯輕重懲處或十人或十五人相聚持械捕獵殺人搶掠者必奏聞即行正法不以小故阻壞大事仍與中國和好毋起爭端一從前一切舊事不議外中國所有鄂羅斯之

人及鄂羅斯所有中國之人仍留不必遣還
一今既永相和好以後一切行旅有准令往來
文票者許其貿易不禁
一和好會盟之後有逃亡者不許收留即行遣
還

○土產 楛矢 石砮明統志黑龍江口出名水
花石堅利入鐵可挫矢鏃土人將取之必先祈
神 貂諸山中皆有之今索倫打虎爾諸人以
此為業又有獐狍孫出索倫者佳其餘所產與

烏喇寧古塔略同

○盛京統部形勢 東窮大海海在盛京城東四
千三百餘里又東北至混同江入海處亦四千
餘里 西接外藩土默特奈曼禮魯特等諸蒙
古皆與錦州府接界又東開原遼外為科爾沁
界 南臨朝鮮渤海奉天錦州二府南面皆臨
渤海南通山東登萊二郡鳳凰城以東鴨綠江
南為朝鮮國界 北抵大興安山在黑龍江上
流其北與鄂羅斯分界

○盛京形勢高聳水土深厚長白峙其東匡閭拱其西滄溟鴨綠繞其前混同黑水縈其後山川環衛原隰沃饒洵所謂天地之奧區神臯也自開闢以來以待聖人我太祖高皇帝誕膺天命肇造鴻圖始由興京撫有東土遂自畀蕃薩爾虎撫順而築東京於遼陽天命十年以瀋陽為形勝之地王氣所鍾遂定都焉太宗文皇帝底定金遼築城垣建壇廟營宮闕號曰盛京世祖章皇帝統一萬方定鼎京師尊盛京

太宗天聰

世祖順治

為留都監徃代兩都之制設戶禮刑工四部侍郎以下等員置府尹又設將軍副都統管轄八旗軍旅聖祖仁皇帝大駕東巡兩謁陵寢增置文武官吏與各州縣闢地至黑龍江以北黑真飛牙喀諸部及大興安山之外世宗憲皇帝善繼善述添設州縣增易駐防聖謨洋洋經畫盡善百餘年來聲教之隆文明之盛逾沙漠而被東瀛盛京四境幅員萬里民物殷富風俗淳美陵廟巍峩宮廷肅穆龍蟠鳳翥佳氣鬱葱

聖祖康熙

世宗雍正

國家億萬年景祚鴻庥皆基於此云

○興京之地東傍邊牆西接奉天南界鳳凰城北抵開原山環水繞王氣所鐘為遼左扼要之區

○盛京至京師一千四百七十餘里

○建置沿革 在堯時為青州之域舜分為營州而漢時屬遼東郡唐屬安東都護遼金二代始建東京於遼陽置瀋州昭德軍於此元為瀋陽路明置瀋陽衛

○盛京城本明瀋陽衛舊址我太祖高皇帝天命十年自東京遷都於此天總五年因舊城增拓之康熙十九年增築繚牆二十一年重修諸城門樓三十二年重修城垣五十四年復修城樓及內外城垣

○興京在盛京東南二百七十里至京師一千七百四十餘里

○建置沿革 漢始置之菟郡後漢及晉曰之南北朝至隋入於高句麗唐屬安東都護遼金時

為東京東界明初置建州衛

○興京城太祖癸卯年初建此城乙巳年增築

外城 國初 皇始祖原皇帝始居於此名曰

黑圖阿喇三傳至 興祖直皇帝及 景祖翼

皇帝 顯祖宣皇帝皆居於此至太祖直皇帝

肇基興京初有葉赫輝發烏喇寧古塔諸地

天命三年城界蕃五年遷薩爾虎六年取瀋陽

遼陽七年建東京於遼陽十年以瀋陽為形勝

之地自東京遷瀋陽定都於此 太宗文皇帝

底定金遼築城垣號曰盛京事在天聰五年世祖章

皇帝統一萬方定鼎京師順治五年奉 太祖

高皇帝配天南郊追尊四祖以黑圖阿喇為興

京之地尊為興京尊盛京為留都

○職官

奉天將軍一員 副都統一員云云

興京城守尉一員云云

吉林烏喇將軍一員駐劄吉林烏喇仍稱副鎮守寧古塔等處副

都統一員 協領八員 佐領四十八員

席北佐領十六員	喀爾喀巴爾虎佐領
八員	防禦二十四員
驍騎校四十八	員
堂主事一員	筆帖式十員
蒙古	筆帖式一員
水師營總管一員	水師
營四品官一員	水師營五品官二員
水師營六品官二員	水師營驍騎校四
員	督理驛站六品官二員
助教二員	驛站隨關防筆帖式二員
倉官一員	倉上筆帖式二員
獄官二員	獄官二員

寧古塔副都統一員	協領二員	佐領十
員	防禦八員	驍騎校十員
筆帖式	四員	倉官一員
倉廩筆帖式二員	學官二員	白都訥副都統一員
恆領二員	佐領十	二員
防禦十員	驍騎校十二員	筆
帖式四員	倉官一員	倉廩筆帖式二
員	學官二員	員
三姓副都統一員	協領一員	副協領一

員	佐領二十員	防禦十六員	驍騎
校二十員	筆帖式四員	學官一員	
阿爾楚哈副都統	品級協領一員	副協領	
一員	佐領八員	防禦二員	驍騎校
八員	筆帖式二員	學官一員	
渾春協領一員	副協領一員	佐領三員	
防禦二員	驍騎校三員	筆帖式二員	
一統河佐領二員	防禦二員	驍騎校四	
員			

打牲烏喇掌關防總管官	一員	副都統管	
總管事官	一員	翼領二員	驍騎校七
員	筆帖式七員	值年官二員	
黑龍江將軍	一員	<small>駐劄乞察</small> 副都統	二員
協領	八員	參領一員	佐領三十六員
防禦	八員	驍騎校三十六員	六品官
一員	主事一員	管站官一員	倉官
一員			
愛渾副都統	一員	協領四員	佐領二十

六員	防禦八員	驍騎校二十六員
倉官一員	管水手四品官一員	五品官一員
六品官二員	六品官二員	六品官二員
默爾根副都統一員	捕牲索倫打虎爾都	統二員
索倫總管一員	副總管二員	捕牲總管一員
副總管二員	協領四員	佐領二十一員
防禦八員	驍騎校二十一員	管站官一員
倉官一員	水手官一員	水手官一員

興京至威遠堡各邊門防禦云云	法忒哈等各邊門防禦四員	<small>法忒哈一統河黑爾素牛</small>
<small>拉山</small> 筆帖式四員	<small>以上皆屬寧古塔將軍</small>	寧古塔御史二員
筆帖式一員	黑龍江御史一員	筆帖式一員
倉監督三員	<small>寧古塔吉林烏喇白都訥</small>	寧古塔至黑龍江專管修理糧船漢軍四品官二員
五品官二員	驍騎校二員	員

黑龍江遊牧地方總管

蒙古旗分
每旗一員

副總管

蒙古旗分
每旗二員

○山川畧載

長白山在吉林烏喇城東南橫亘千

餘里東自寧古塔西至奉天府諸山皆發脈於

此山巔有潭為鴨綠混同土門三江之源古名

不咸山亦名太白山亦名白山山海經大荒之

中有山名曰不咸有肅慎氏之國晉書肅慎氏

在不咸山北魏書勿吉國南有徒太山魏言太

白有虎豹羆狼不害人人不得山上搜汚行逕

山者皆以物盛去金史世紀其在北者有混同

江長白山混同江亦號黑龍江所謂白山黑水

是也又禮志大定十二年封長白山神為興國
靈應王即其山北地建廟宇明昌四年復冊為
開天弘聖帝葉隆禮遼志長白山在冷山東南
千餘里其內禽獸皆白人不敢入恐穢其間以
致蛇虺之害明統志在三萬衛東北千餘里故
會寧府南六十里橫亘千里高二百里其巔有
潭周八十里淵深莫測南流為鴨綠江北流為
混同江東流為阿也苦河通志長白山即歌爾
民商堅阿鄰在船廠東南一千三百餘里明統

志東流為阿也苦河今考西南流入海者為鴨
綠江東南流入海者為土門江北流入海者為
混同江並無阿也苦河之名古今稱呼之異也
金時廟毀 本朝尊為長白山之神在城西南
溫德恒山望祭康熙十七年奉 旨遣大臣覺
羅吳木訥等登山相視見山麓一所四周密林
叢翳其中園平草木不生出林里許香樹行列
黃花紛郁山半雲垂霧幕不可仰睇諸大臣跪
宣 旨畢雲霧倏廓山形瞭然有徑可登其半

有石砌臺坦平宜四望山巔作圓形積雪皚然
及陟其上五峰環峙如府南一峰稍下如門中
潭窈杳距崖五十丈許周可四十餘里山之四
周百泉奔注卽三大江所由發源也康熙二十
三年復遣駐防協領勒出等復周圍相山形勢
廣袤綿亘略如明統志所云其巔不生他樹草
多白花南麓蜿蜒磅礴分為兩幹其一西南指
者東界鴨綠江西界通加江麓盡處兩江會焉
其一遶山之西而北亘數百里以其為衆水所

分舊志總謂之為分水嶺今則西至興京遶茂
樹深林幕天翳日者土人呼為納綠窩集從此
西入興京門遂為開運山自納綠窩集而北一
岡袤四十餘里者土人呼為歌爾民朱敦復西
指入英額邊門遂為天柱隆業二山迴旋盤曲
虎踞龍蟠其間因地立名為山為嶺者不一要
皆此山之支裔也山之靈異自昔稱名而神
聖發祥於今為盛萬禩鴻基與山無極矣按通
志謂在船廠東南一千三百餘里今考此山實

在州東南六百里 納木窩集在吉林烏喇城東八十里高三里餘凡山多林木者曰窩集城東南諸河多發源於此幾暇格物編窩集東至海邊接連烏喇黑龍江一帶西至鄂羅斯或寬或窄叢林密樹鱗次櫛比陽景罕曜如松柏及各種大樹皆以類相從不雜他木林中落葉常積數尺許泉水雨水至此皆不能流盡為泥滓人行甚難有熊及野豕貂鼠黑白灰鼠等物皆資松子橡實以為食又產人參及各種藥料人

多不能辨識者與南方湖廣四川相類混同江在吉林烏喇城東南今名松花江源出長白山北流會諾尼黑龍等江入海即古粟末水也魏書勿吉國有大水濶三里餘名速末水唐書粟末靺鞨依粟末水以居水源於太白山至北注它漏河遼史聖宗太平四年詔改鴨子河曰混同江金史太祖收國元年親征黃龍府次混同江無舟上使一人道前乘楮白馬徑涉曰視吾鞭所指而行諸軍隨之水及馬腹後使舟人

測其渡處深不得其底大定二十五年封江神
為興國應聖公致祭如長白山儀地理志上京
路有混同江宋瓦江鴨子河通志混同江即松
阿里江也一名鴨子河一名粟末江一名宋瓦
江一名松花江明統志云混同江在開原城北
一千五百里流出長白山舊名粟末河倍呼宋
瓦江北流經金故會寧府下達五國頭城東入
於海又曰松花江在開原東北一千里源出長
白山北流經金故南京城合灰扒江混同江東

流入海云云是以松花混同為二江也今按長
白山為諸水發源之地小者為河大者為江江
有三西南流為鴨綠東南流為土門山之北百
泉奔湊自船廠東南北流出邊受諾尼江折而
東北受黑龍江南受烏蘇里江遂東注入海者
混同江也遼太平四年詔改鴨子河為混同江
混同之名始見於此而土人呼為松阿里江金
志有宋瓦江則松阿里音之訛也明統志松花
江即宋瓦字之變也金史帝紀有云混同江一

名黑龍江蓋指其下流而江交會之處言之而或以此江名松花而以薩哈連江為混同誤也按金世宗冊封江神文曰江源出於長白則此江稱混同無疑宋瓦松花皆隨音取字不可為準按江有東西二源東源出長白山巔之潭激湍奔注瀑布千尋俗名土拉庫二派分流東曰大土拉庫西曰小土拉庫行數十里會流其東又有娘木娘庫河合克通吉河皆自山東發源北流入焉西源亦有二派東曰額黑訥音河西

曰賽音訥音河皆自長白山西發源北流與東派及諸泉會為一又北流匯諸河遼州城之東南北流出邊折而西北遼白都訥城西又北流會諾尼江之水復轉東北會南來之虎爾哈河又東北六百餘里黑龍江自西北來會又二百餘里會南來之烏蘓哩江又稍折北流遼乞勒兒黑真飛牙喀諸部地入東海自發源至入海處凡三千五百餘里自遼金以來名號不一記載多舛如松漠紀聞契丹國志大金國志則云

黑水其水掬之微黑契丹目為混同江又云長
白山黑水發源於此舊名粟末河契丹改為混
同江是誤以混同江為黑龍江也明統志既載
松花江矣復云混同江在開原城北一千五百
里經金故會寧府下達五國頭城是誤以船廠
城東之虎爾哈河為混同江也遼史太平四年
改鴨子河曰混同江金史世紀云混同江一名
黑龍江是合鴨子混同黑龍為一江矣而地理
志肇州始興縣有鴨子河黑龍江上京路有混

同江鴨子河宋瓦江則又分混同鴨子黑龍為
三并析宋瓦而為四前後互異如此至如金史
混同一名黑龍之說此尤其顯然難信者舊志
曲為之解曰指兩江下流交會處言之不知史
所指者在金上京之地近長白山皆今松花江
上流非兩江交會處也遼太平四年改名混同
江後或稱混同江或復稱鴨子河錯見帝紀如
天祚帝天慶二年正月書如鴨子河二月書幸
混同江地理志賓州在鴨子混同二水之間又

金史上京路總記有混同江鴨子河分紀會寧縣有混同江宜春縣有鴨子河則又截然分屬兩處遼史營衛志云鴨子河灤東西二十里南北三十里在長春州東北三十五里蓋其先大小皆名鴨子河及改為混同江之後其小水自仍舊名惟匯流處稱混同耳舊志於此水頗加考正猶有未盡今為發祥重地山川鍾靈混同為大故詳辯之 鴨綠江在吉林烏喇南九百七十七里源出長白山西南流與朝鮮分界至

鳳凰城東南入海即古馬訾水也 佟家江在吉林烏喇城南八百二里亦名通加江南流會鴨綠江即古鹽難水也明統志所謂大蟲江疑即此 土產鐵各州縣有之 樺似山桃皮有紫黑花可裹弓及鞞鐙諸物諸山中及諾尼江混同江之間最多 人參今吉林烏喇諸山林皆有之 膃肭臍即海狗腎出東海濱 鷗出奉天以東諸山中其品不一上等曰皂鷗有花文者

曰虎斑翅黑白相接者曰接白其最小者曰脂
 麻取者於松枝上作繩套名為鷗手其羽為箭
 翎最貴 鷹 貂 元狐 火狐 沙狐 銀
 鼠 青鼠 黃鼠 海豹通志獸身獸頭獸尾
 後兩足短出金州及寧古塔海中 海參東海
 出較他處者勝 鮑魚俗名鮑魚東海出
 ○雍正十二年西抵山海關東抵海濱南至土
 門江北屆鄂羅斯皆屬奉天寧古塔黑龍江將
 軍所統編戶之民皆隸府州縣屬奉天府尹所

置府二曰奉天府曰錦州府屬奉天府將軍所轄之
 地三曰奉天曰寧古塔將軍駐吉曰黑龍江將軍
駐齊齊哈爾城一 ○右並大清
曰乞察哈爾城一

慶王第四子追謚景祖翼皇帝兄弟六人各築地分居稱為寧古塔貝勒是為六祖次福王名塔克世即昌王第四子追謚顯祖宣皇帝妃喜塔喇氏乃阿古都督女是為宣皇后生子三長即太祖高皇帝諱努爾哈赤稱為聰睿貝勒生明嘉靖三十八年己未時有顏色納加虎二族強凌諸路景祖饒才智兼禮敦英勇破滅之盡收五嶺東蘓克蘓許河西二百里內諸部由此遂盛

癸未 明萬曆十一年 滿洲蘓克蘓

許河部圖倫城有尼堪外蘭者陰備明寧遠伯李成梁遣遼陽副將攻克沙濟城殺城主阿亥章京復合兵攻古勒城城主阿大章京妻乃禮敦巴圖魯之女 禮敦巴圖魯乃景祖長子 景祖聞驚恐女孫被陷僧顯祖往救先後入城欲携女孫歸阿大章京不肯成梁攻城不克尼堪外蘭請往招撫給城中人以能殺阿大來降者即命為城主城中人信之遂殺阿大以降成梁誘城中人出屠並害二祖太祖聞之大慟詰朝邊吏

明歸我 二祖喪與敕三十道馬三十匹封龍

虎將軍復給都督敕書 太祖欲得尼堪外蘭

明人不肯且日當令為滿洲國主國人信之皆

歸尼堪外蘭同族寧古塔諸祖子孫亦欲害

太祖以歸之尼堪外蘭又迫 太祖徃附 太

祖思復仇以 顯祖遺甲三十副謀伐尼堪外

蘭時年二十五 五月太祖徃攻外蘭于圖倫

城外蘭遁克其城 八月復徃攻外蘭于甲及

外蘭遁追之勿及 丙戌明萬曆十三年七月明人執

尼堪外蘭付我斬之自此明歲輸銀八百兩蟒

緞十五匹通和好焉 ○右東華錄

○戊申明萬曆三十六年春三月戊子朔 上欲與明

通好謂群臣曰語云念人之惡崇朝而作式好

無尤歷世難求吾欲與明昭告天地同歸於好

言畢遂會遼東副將及撫順所備禦同勒誓辭

於碑刑白馬祭奉天其誓辭曰

兩國各守邊境敢有竊踰者無論滿洲漢人
見之殺無赦若見而不殺殃及不殺之人明

若渝盟其廣寧巡撫總兵遼東道員副將及
開原道員參將等官均受其決滿洲渝盟殃
亦及之

誓畢遂建碑于沿邊諸地

○己酉明萬曆三十七年春二月癸巳朔上遣明書

曰鄰朝鮮境而居瓦爾喀部衆皆吾所屬也可

往諭令彼清察予我於是明遣使諭朝鮮國察

還千餘戶

○丙辰明萬曆四十四年群臣尊上為覆育列國英

明皇帝建元天命元年

○戊午明萬曆四十六年天命三年夏四月壬寅己時

上率步騎兵二萬征明臨行書七大恨告天

其書曰我之祖父未嘗損明之邊上一草寸

土也明無端起釁邊陲害我之祖父恨一也

明雖起釁我尚欲修好設碑勒誓凡滿漢人等

毋越疆圉敢有越者見即誅之見而故縱殃及

縱者詎明復渝誓言逞兵越界衛助葉赫恨二

也明人於清河以南江岸以北每歲竊踰疆場

肆其奪攘我遵誓行誅明負前盟責我擅殺拘
我廣寧使臣網右札方吉納挾取十人殺之遼
境恨三也明越境以兵助葉赫俾我已聘之女
改適蒙古恨四也柴河三岔撫按三路我累世
分守疆土之衆耕田藝穀明不容刈獲遣兵驅
逐恨五也遼外葉赫獲罪于天明乃偏信其言
特遣使臣遺書詔詈肆行凌侮恨六也昔哈達
助葉赫二次來侵我自報之天既受我哈達國
兵明又黨之挾我以復其國已而哈達之人數

被葉赫侵掠夫列國之相征伐也順天心者勝
而存逆天意者敗而已何能使死于兵者更生
得其地者更遣乎天遣大國之君即為天下共
主豈馱主予一人而已初扈倫諸國合侵我故
天厭扈倫啓釁惟我是眷今明助天譴之葉赫
抗天意倒置是非妄為剖斷恨七也欺凌日甚
情所難堪曰此七大恨之故是以征之也又天
聰元年遣明寧遠巡撫袁崇煥書曰吾兩國所
以構兵者約計大恨有此七端至于小恨何可

悉數如此凌辱難忍故爾興師今爾若以我為是欲修兩國之好其和好之禮爾當以金十萬兩銀百萬兩緞百萬疋毛青梭布千萬匹相餽既和之後兩國往來之禮每歲我國以東珠十顆貂皮千張人參千觔送爾爾國以金一萬兩銀十萬兩緞十萬匹毛青梭布三十萬匹報我兩國誠如約餽遺以修盟好則當誓諸天地永圖和睦爾袁巡撫即以此言轉奏爾皇帝不然爾仍願刀兵之事也

○己未明萬曆四十七年天命四年二月上使使臣

二人往諭朝鮮書仇明七大恨事更書其後曰昔者金元之主曾服三四與國歸于一統然亦未得享國久長多歷年代此吾所素知之者今日之事我非愚闇而有此舉也因其凌逼已甚遂爾至此若向來有意與明結怨天必鑒之矣天何以獨眷我予豈明之仰膺天眷反不我若也天無私福善禍淫故祐我而厭明耳爾朝鮮以兵助明吾知非爾意也迫于其勢不能已耳

且明曾救爾倭難故報其恩而來也昔金大定時爾朝鮮之臣有趙惟忠者以四十城叛附大定帝曰朕征宋徽欽二帝時爾朝鮮王不助宋亦不助朕乃持公之國也遂不納由此以論爾原與我國無隙今貪爾將兵官數十人以念王之故特留之何以竟其事也王其圖之夫普天之下不一其國豈有令大國獨存而小國盡亡者乎明大國也意必奉若天道乃變亂天紀恣加橫逆虐若與國王豈不知之我聞明主之意

欲令其諸子主我滿洲及爾朝鮮辱我二國實甚今王之意將謂我二國素無怨釁遂與我合謀以仇明耶抑已助明不相背負耶其詳告我五月朝鮮遣使齎書到其書曰朝鮮國平安道觀察使朴化頓首致書滿洲國王足下吾二國接壤而居明為君吾二國為臣歷二百餘歲毫無怨惡今貴國與明為仇因而征戰生民塗炭不特隣邦即四方皆動干戈矣亦非貴國之善事也明與我國猶如父子父有所言子敢違乎

蓋大義所在不可拒也事屬既往今勿復言張
 應京借四人來方悉此事原委然鄰國亦自有
 文道也來書云我若向來有意與明結怨天即
 鑒之推比心也誠保安滋大受天之祐者矣自
 此一往克協天道同歸于善當亦明所深願其
 溫綸不久即下吾二國各守疆圉復修前好豈
 不美哉於此上復遣人遺書朝鮮辭曰滿
 洲皇帝致書朝鮮國王如爾仍故助明則已不
 然凡屬遼人驚遁投鎮江而竄者可盡反之今

遼東官民皆薙髮歸順其隆順各官悉還原職

爾若納我已附遼民匿而不還惟是助明異日

勿我怨也 ○ 右三朝實錄按大清統志曰天聰元年太宗文皇帝命征朝鮮

李侖懼遁遣其弟李覺來貢求和七年背盟崇德元年遺書國王不報又征李侖哀詞求和自是朝鮮遂服慶賀大典俱行貢獻禮於皇帝駐軍之地豎立石碑備書其事 八月

征葉赫破之盡殺明兵之助守者自是開拓疆

上東自海西至明遼東界北自蒙古科爾沁之

嫩烏喇江南暨朝鮮國境凡語音相同之國俱

征討徠服而統一之 ○ 東華錄

--	--	--	--	--	--	--	--	--	--	--	--	--	--	--	--	--	--	--	--	--

○疆理

國家統一寰宇風行海表居重馭輕
 宏規無外矣兩京設尹崇首善也外列十又八
 省分之為府府領州縣云云盛京南距大海訖
 於西南西達山海關北接邊塞墨龍江東北繞
 之東南界朝鮮國

○戶口
 凡直省戶口以乾隆十八年奏報民數
 冊計之得戶三千八百八十四萬五千三百五
 十有四口萬有三百又五萬 盛京人丁五萬
 九千二百十有二戶二十二萬一千七百四十

二口

○田賦承平以來邊界益拓盛京東北及諸邊

口外古稱甌脫不毛之土多闢為腴壤八旗戶

口滋繁咸取給焉盛京民田二萬五千二百

四十三頃二十一畝賦銀三萬八千百又十兩

糧七萬六千二百六石各有奇糧充本省經費

○積貯盛京積穀百二十萬石

○鹽法凡盛京沿海之地皆民自煮鹽市易奉

天府錦州府鹽場二十皆以州縣佐貳官司其

場務不推不幾統隸於奉天府尹

○中祀遇國家大慶典致祭嶽鎮海瀆北鎮医

巫閭山於盛京廣寧縣長白山於黑龍江東海

於山東萊州府北海於吉林望祭

○駐防各營旗纛盛京鑲黃吉林正黃黑龍江

正白凡八旗駐防武職將軍盛京等處一人

吉林等處一人黑龍江等處一人副都統盛

京三人吉林五人黑龍江三人城守尉盛京

八人黑龍江一人協領盛京十又四人吉林

十又九人黑龍江十又六人 總管黑龍江十人 參領吉林一人黑龍江一人 副管黑龍江二十六人從四品 防守尉盛京三人從四品 佐領盛京一百三十人吉林一百二十二人黑龍江二百三十八人 防禦盛京百又三人吉林七十五人黑龍江二十四人 驍騎校盛京二百六人吉林一百二十四人黑龍江二百三十七人 護軍校黑龍江二人 管水手官吉林四品二人五品二人六品二人黑龍江

四品五人五品三人六品五人

○軍政薦舉駐防旗員視地之大小官之多寡以定額黑龍江七人盛京六人吉林五人

○關禁山海關奉天吉林產人參東珠之地各設官兵巡緝盜採者禁捕獲私挾參珠者官予叙兵給賞各視所獲之數以為差失察賄縱者論如法

○巡防凡外海巡防盛京以協領為總巡佐領防禦驍騎校為分巡各於所治界內率舟師沿

海上下更番往來以詰姦禁暴兩界相交之所
戒期會哨同時並集聯名申報將軍督提察覈
若因風汛沮滯或先或後各以到界之日申報
其期約以二四五月為始至九月事竣回營將
軍督提仍隨時委官稽察有引避不巡及巡有
不周者論 外海戰船盛京六

○郵政 勘合火牌在外由部豫領以待用各有
定數奉天由盛京兵部吉林黑龍江由各將軍
造冊具疏部會兵科察覈奏銷効違例者 驛

費盛京吉林黑龍江均於戶部支領一歲所費
日月有籍以待奏銷 凡驛程自京師達於四
方一曰東北路達盛京由盛京達吉林黑龍江
中勘合火牌均註道所由紆迴逗留者有禁
紀程直省以督撫關外以將軍都統駐劄之地
為準盛京千四百六十里吉林二千八百八十
里黑龍江四千一百二十七里

○採捕 凡採捕有三曰東珠曰貂皮曰人參貂
珠歲由黑龍江將軍人參由戶部給票入山開

採採二年三年間停一年由盛京吉林將軍寧古塔副都統隨時酌奏 凡採捕禁令貂珠人參禁偷採旄民有犯皆論如法私載私販典盜採同

○都察院巡察盛京吉林黑龍江各以滿給事中或御史一人

○田宅凡授田之法始給畿輔閑田除其賦稅永為世業厥后戶口繁滋盛京東北及諸邊口外新闢之壤咸分授焉

○兵制凡吉林駐防吉林將軍所屬八旗滿洲二千五百七十人漢軍百二十人巴爾虎三百五十人席伯六十人內前鋒八十人領催二百八十八人驍騎二千七百三十二人又漢軍烏槍領催四十八人烏槍驍騎九百五十二人水師營運糧船三十號槳船二十號水手二百五十八人修船匠四十五人江上捕魚處滿洲領催六十人捕魚兵九百四十人 吉林將軍統轄之寧古塔副都統所屬八旗滿洲前鋒四十

人領催六十人驍騎九百人 白都訥副都統
 所屬八旗滿洲三百人蒙古百人瓜爾察六百
 人內前鋒四十人領催七十二人驍騎八百八
 十八人 三姓地方副都統所屬八旗滿洲前
 鋒四十人領催百二十人驍騎千三百六十人
 渾春協領所屬八旗滿洲領催十有八人驍
 騎二百三十二人 拉林副都統所屬原設八
 旗滿洲領催四十八人驍騎四百六十四人後
 增設千三百人又增設三千人 自乾隆二十一年至辛巳年分

六年由京師發往見未發齊

伊屯佐領所屬八旗滿洲領

催十有二人驍騎百八十八人 鄂默黑索羅
 佐領所屬八旗滿洲領催六人驍騎一百十有
 四人 伊屯邊門鑲黃正白二旗赫爾索邊門
 正黃正紅二旗巴顏俄佛羅邊門鑲白正藍二
 旗布爾圖庫蘇己爾漢邊門鑲黃鑲藍二旗各
 滿洲領催一人驍騎十有九人 凡黑龍江駐
 防齊齊哈爾將軍所屬八旗滿洲九百六十人
 索倫達虎里九百六十人巴爾虎二百四十人

漢軍二百五十二人內前鋒八十人領催二百四十人驍騎二千四十人驛站哨兵五十三人水師營領催七人水手二百六十八人吉林伐木領催八人水手三百人官屯領催二人齊齊哈爾將軍統轄之黑龍江副都統所屬八旗滿洲九百六十人索倫達虎里四百八十人漢軍百人內前鋒四十人領催百五十六人驍騎千三百四十四人水師營領催八人水手四百十有九人官屯領催三人 默爾根副都統所

屬八旗索倫達虎里九百人漢軍百人內前鋒四十人領催百有二人驍騎八百五十八人水師營領催一人水手四十三人官屯領催一人呼倫布俞爾總管所屬八旗索倫達虎里九百六十人巴爾虎九百六十人厄魯特八十人內領催二百人驍騎千八百人 湖蘭城守尉所屬八旗滿洲領催四十五人驍騎四百五十五人運糧船領催四人水手四十人官屯領催一人 ○大清會典

五入... 六入... 七入... 八入... 九入... 十入... 十一入... 十二入... 十三入... 十四入... 十五入... 十六入... 十七入... 十八入... 十九入... 二十入... 二十一入... 二十二入... 二十三入... 二十四入... 二十五入... 二十六入... 二十七入... 二十八入... 二十九入... 三十入... 三十一入... 三十二入... 三十三入... 三十四入... 三十五入... 三十六入... 三十七入... 三十八入... 三十九入... 四十入... 四十一入... 四十二入... 四十三入... 四十四入... 四十五入... 四十六入... 四十七入... 四十八入... 四十九入... 五十入... 五十一入... 五十二入... 五十三入... 五十四入... 五十五入... 五十六入... 五十七入... 五十八入... 五十九入... 六十入... 六十一入... 六十二入... 六十三入... 六十四入... 六十五入... 六十六入... 六十七入... 六十八入... 六十九入... 七十入... 七十一入... 七十二入... 七十三入... 七十四入... 七十五入... 七十六入... 七十七入... 七十八入... 七十九入... 八十入... 八十一入... 八十二入... 八十三入... 八十四入... 八十五入... 八十六入... 八十七入... 八十八入... 八十九入... 九十入... 九十一入... 九十二入... 九十三入... 九十四入... 九十五入... 九十六入... 九十七入... 九十八入... 九十九入... 一百入...

○京師者天下之本陪京者帝業之基也周公營洛而王居在鎬有居重馭輕之權焉光武東都而長安置京兆有強幹弱枝之勢焉國家肇基遼海京闕之規模已具世祖定鼎於燕尊盛京以明大業所自始近奉山陵遠翊畿輔鴻圖式固室曆靈長有光於周漢矣

○古帝王畫郊圻以固封守腹心內地疆理必嚴矧根本之邦即係邊防之重者予盛京西接畿輔東南濱海北控大漠而遼河左右奉錦二

郡攸分是天造之險以界全遼矣綢繆疆圉屏翰神京苞桑之謀或在形勝之外蒞斯土者何可忘與

盛京疆域

東至海四千三百餘里東海界

東南至希喀塔山二千餘里朝鮮界

東北至飛牙喀四千餘里東海界

南至海七百三十餘里海界

北至邊二百六十餘里邊界

西至山海關八百餘里山海關界

以上東西廣五千一百餘里南北袤一千

餘里而東南東北其袤數倍於西

寧古塔將軍所轄疆域

東至東海三千餘里海界

東南至希喀塔山二千三百餘里海界

東北至飛牙喀三千餘里海界

北至法忒哈邊六百餘里邊界

寧古塔所轄

東至東海三千余里海界

東南至希喀塔山一千五百七十里海界

東北至飛牙喀三千餘里海界

北至混同江六百里蒙古界 ○盛京前通志

○盛京疆域

北至黑龍江外興安嶺五千一百餘里鄂

羅斯界

南北袤六千八百三十餘里東南至西北

二千六百九十余里西南至東北四千八

百余里

寧古塔將軍所轄疆域

○東北至合者飛牙喀三千余里海界

○按盛京山澤廣衍明一統志所載十未舉其

一二前此修志已分撤有司身歷登載烏喇寧

古塔諸處咨行將軍查詢其中遺漏異同皆經

往返數四然後入志惟一二江河發源邊外有

司不便越界乘槎遠涉姑從前史疑信並存

○海邊古城在城東北三千余里混同江之東

南入海處城外有元時石碑路遠莫考其詳

○倭瓜種出東洋

○犬一曰田犬二曰吠犬三曰食犬奉錦田犬

極健有力能制虎者最為難得又外蕃犬可供

驅策故元史有大站以犬代馬今赫真飛牙哈

部落尚役犬以供負載

○明女直衛一百八十四所二十太約在今興

京永吉州寧古塔黑龍江之境末年皆廢遺址

無考

喀路 黑龍江境內設喀路即所以防邊也故
亦附邊門之後
齊齊哈爾所轄

特木得赫 溫托渾 多耐 他爾哈 古

魯 烏喇諾爾處二 茂興 四家子 阿拉

克秦 拜他拉

以上喀路十一處每處領催一名兵五名

拉哈鄂佛洛 溫得渾 蘓克秦蘓蘓

以上豁倫喀路三處每處官一員領催一名

兵九名三月差往河凍徹回

墨爾根所轄

弩敏河巴顏火洛 甘河之善郭克達 伊

拉喀 喀末尼喀 博爾多 拉哈 寧年

塔哈爾

以上喀路八處每處領催一名兵五名

綏楞額山 喀末尼峯

以上豁倫喀路二處每處官一員領催一名

兵九名三月差往河凍徹回

黑龍江所轄

黑龍江口二處 烏魯素木丹 精其里江

科洛爾 喀爾塔爾矣 枯木爾 額爾爾

以上喀路八處每處領催一名兵五名

牛曼河 孫河口 訥木勒河源

以上豁倫喀路三處每處官一員領催一名

兵九名三月差往河凍徹回

呼倫布爾所轄

庫爾杜力河 特力墨爾緊河 忒你克河

冲克火洛 墨力格尔河哈几口 衣力該

兔火洛 西拉鄂素火洛 薩尔起兔山

開拉河翁混 開拉河思都尔厄勒素 烏

藍剛噶 布拉克土泉 墨海土泉 托洛

海土泉 温都尔布拉克泉

以上從東至北防鄂羅斯喀路十五處每處

官一員兵二十名

喀布起海兔 阿拉爾兔 几拉 布克爾

貨爾海兔 哈沙兔 茵陳 阿魯布拉克

墨墩哈沙兔 扎米虎都克 布雨尔布壘

得尔素 烏尔孫河烏藍剛噶 厄布都克

西林呼都克 諾門罕布都力 呼拉得烏

木克布拉克

以上從西至南臨喀尔喀路十六處每兩

處官一員每一處兵十名 ○ 右并盛京後通志

○盛京 直隸府二屬州二縣七
奉天府 東至興京三百里西至胸麗河一百
里南至舊金州衛七百里北至開原縣邊
二百五十里自府治至京師一千四百六千里
承德縣 遼陽州 海城縣 蓋平縣
開原縣 鐵嶺縣
錦州府 東至奉天府界四百里西至山海關
二百里南至海五十里北至舊義州衛二百里
自府治至京師一千一百里

○盛京 直隸府二屬州二縣七

奉天府 東至興京三百里西至胸麗河一百

里南至舊金州衛七百里北至開原縣邊

二百五十里自府治至京師一千四百六千里

承德縣 遼陽州 海城縣 蓋平縣

開原縣 鐵嶺縣

錦州府 東至奉天府界四百里西至山海關

二百里南至海五十里北至舊義州衛二百里

自府治至京師一千一百里

錦縣

廣寧縣

寧遠州

○興京 在盛京東南三百里東至納土門五十五里西至奉天府界一百九十里南至鳳凰城界一百八十里北至開原縣界一百一十里自本城至京師一千八百里

俄多里城 在興京東一千五百里四至莫考自本城至京師三千三百里

寧古塔將軍境 駐雞林烏喇在盛京東北八百一十八里東至海三千五百餘里西至奉天

府界五百九十五里南至長白山朝鮮界一千一百三十里北至蒙古界六百里自本處至京師二千二百七十八里

黑龍江將軍境 駐齊齊哈爾在盛京東北一千七百七十一里東至海五千里西至喀爾喀界一千八百里南至松花江一千里北至俄羅斯界三千里自本城至京師三千二百三十一里

○盛京

順治十四年改遼陽府為奉天府移

治盛京城內

興京 景祖築城以居 太祖高皇帝龍興於

此崇德八年升為興京

俄多里城 本朝遠祖建都於此 國號滿洲

賓為 皇清一統億萬世發祥重地

○興京俄多里城為我朝龍興舊地王氣所鐘

謹與 盛京並載猶高山天作之意云其餘地

方數千里皆屬要區以寧古塔黑龍江二將軍

所駐之地統之並附其後 增修凡例 ○ 皇興表

○北京由山海關至奉天府路程 京城崇文

門四十里通州 七十里三河縣 七十里薊

州 八十里玉田縣 八十里豐潤縣 八十

里沙河縣 四十里永平府 六十里撫寧縣

七十里升河縣 四十里山海關 北為山 南為海

四十里高林縣 一百里東關縣 四十里曹

家縣 五十里寧遠衛 八十里連山縣 五

十里杏山縣 八十五里呂陽縣 八十里盤

山縣 五十里高平縣 四十里沙嶺 六十

里三义河 五十里蒲河衛 九十里奉天府

○天程下路

[Faded bleed-through text from the reverse side of the page]

○龍沙紀畧曰戰艦五年大修十年拊造就材
稽林故稽林又名船廠康熙文集曰駐驛烏喇
之船廠

○船廠去鳳皇城三四千里名曰船廠其地多
巨木屋宇道路橋梁皆巨木所建相傳係開海
禁時曾於是地造洋船出洋故名船廠云云臺
貨者寧古臺所出之貨也地處極北去船廠五
千餘里地極厚天極寒深秋之時霜雪即已載
道 ○人參考



